

## 8. gr.

128

Þegar vegabréfshafi telst ekki lengur hafa rétt til að bera vegabréf, skal hann þegar í stað skila því til lögreglustjórans. 19. okt.

## 9. gr.

Brot gegn reglugerð þessari varða sektum allt að kr. 10000.00.

## 10. gr.

Reglugerð þessi, sem sett er samkvæmt lögum nr. 10 15. maí 1942, um notkun vegabréfa innanlands, öðlast gildi 20. nóv. 1954, og birtist til eftirbreytni öllum þeim, sem hlut eiga að máli.

*Utanríkisráðuneytið, 19. október 1954.*

**Kristinn Guðmundsson.**

*Magnús V. Magnússon.*

**Staðfesting forsetans á skipulagsskrá fyrir „Kirkjubyggingasjóð Reykjavíkur“, 129**  
úttefin á venjulegan hátt að mandatum af dómsmálaráðherra 22. okt. 1954. 22. okt.  
Skipulagsskráin er þannig:

## SKIPULAGSSKRÁ

### Kirkjubyggingasjóðs Reykjavíkur.

## 1. gr.

Sjóðurinn heitir Kirkjubyggingasjóður Reykjavíkur.

## 2. gr.

Hlutverk sjóðsins er að styrkja með óafturkræfum framlögum kirkjubyggingar safnaða í Reykjavík, með það takmark fyrir augum, að þeir eignist hver sína kirkju, svo fljótt sem verða má.

Söfnuður utan þjóðkirkjunnar getur þó því aðeins notið styrks úr sjóðnum, að hann hafi löggiltan forstöðumann.

Framlög til utanþjóðkirkjusafnaðar eru endurkræf, ef söfnuðurinn hættir störfum.

## 3. gr.

Tekjur sjóðsins verði: Framlag Reykjavíkurbæjar á komandi árum til kirkjubygginga í Reykjavík, framlög til kirkjubygginga frá Kirkjugörðum Reykjavíkur, gjafir, arfar, áheit og aðrir slíkir styrkir og framlög, er ánafnaðir verða sjóðnum.

## 4. gr.

Stjórn sjóðsins skal skipuð 3 mönnum, og séu 2 þeirra kjörnir af safnaðarráði Reykjavíkur og 1 af bæjarráði Reykjavíkur, til fjögurra ára í senn.

Sjóðstjórnin skal hafa forgöngu um öflun fjár til sjóðsins, varðveitir hann og gerir rökstuddar tillögur til bæjarstjórnar Reykjavíkur um styrkveitingar úr honum.

## 5. gr.

Skilyrði til styrkveitinga úr sjóðnum til byggingar nýrrar kirkju eru:

1. Að lóð, samþykktir upprættir og nauðsynleg byggingaleyfi séu fyrir hendi.

- 129** 2. Að söfnuður sá, sem um styrk sækir, hafi lagt fram eða leggi fram til bygg-  
22. okt. ingarinnar a. m. k.  $\frac{1}{4}$  hluta þeirrar fjárhæðar, sem veitt er.
3. Að stærð kirkju sé í hóf stillt, miðað við þarfir safnaðarins. Ef sérstakar ástæður eru fyrir hendi, má þó styrkja kirkjubyggingu, þótt stærð kirkju fari fram úr því, sem þörf safnaðar krefur.

## 6. gr.

Söfnuðir, sem þegar hafa lokið byggingu kirkju að mestu eða öllu leyti, geta fengið styrk úr sjóðnum, enda hrökkvi tekjur þeirra ekki til greiðslu vaxta og afborgana af skuldum vegna kirkjubygginga sinna, þegar frá hefur verið dreginn nauðsynlegur rekstrarkostnaður.

## 7. gr.

Bæjarstjórn Reykjavíkur úthlutar styrkjum úr sjóðnum, að fengnum tillögum sjóðstjórnarinnar. Umsóknir um styrki skulu sendar sjóðstjórninni, stílaðar til bæjarstjórnar.

Styrkveitingu skal haga þannig, að hún komi að sem beztum notum og leysi hverju sinni framkvæmanlega og nauðsynlega áfanga að settu marki, sbr. 2. gr.

Úthlutun skal að jafnaði lokið fyrir 1. júní ár hvert.

## 8. gr.

Reikningsár sjóðsins er almanaksárið. Tveir endurskoðendur hans skulu kosnir til eins árs í senn. Skal annar kjörinn af bæjarstjórn Reykjavíkur, en hinn af safnaðarráði Reykjavíkur.

Reikning sjóðsins skal birta árlega í B-deild Stjórnartíðinda.

## 9. gr.

Leita skal staðfestingar forseta Íslands á skipulagsskrá þessari, svo og á breytingum, sem kunna að verða gerðar á henni.

**130**

22. okt.

**REGLUGERÐ****fyrir áfengisvarnaráð.**

## 1. gr.

Áfengisvarnaráð er stofnað til eflingar bindindisstarfsemi í landinu.

## 2. gr.

Áfengisvarnaráð skal skipað fimm mönnum. Áfengisvarnaráðunauturinn er sjálfkjörinn formaður ráðsins, en hinir fjórir, ásamt jafnmörgum varamönnum, skulu kosnir hlutfallskosningu í sameinuðu Alþingi, að afstöðnum hverjum almennum Alþingiskosningum. Dómsmálaráðherra skipar varaformann ráðsins, að fengnum tillögum frá stjórnnum þeirra bindindisfélaga, sem styrks njóta af opinberu fé. Áfengisvarnaráð skal hafa skrifstofu í Reykjavík. Veitir áfengisvarnaráðunautur henni forstöðu. Kostnaður við störf áfengisvarnaráðs greiðist úr rikissjóði.

## 3. gr.

Áfengisvarnaráð fer með yfirstjórn allra áfengisvarna í landinu. Það skal stuðla að bindindissemi, vinna gegn neyzlu áfengra drykkja og reyna í samráði við ríkisstjórn, áfengisvarnanefndir og bindindissamtök að afstýra skaðlegum áhrifum áfengisneyzlu.